

**■ GLOSSA**

# Madame Tussouds per meritaivels

DA SILVIO CAMENISCH

**O**nuraziuns da meritaivels èn sisum la glista d'urgenzas dal parlament da la Regiun Surselva. I fiss schon pli bunmartgà che bunmartgà da sulet pajar in betg bunmartgà helicopter privat als supersuperstars da skis e da la litteratura ruman-tschatudestga plus entourage! millis giadas enturn il globus. Ina gruppa da lavur tutfatg surdumandada ha che fima il chauco far quai, duvrass urgentamain tant ideas concretas sco sustegn psicologic.

**N**us vendessan tut la-suenter noss'idea a la gruppa da lavur desperada per la summa da sgols annuals, din ins annuals?, egual, basta ch'ins chapeschia il manegià, en helicopter betg bunmartgà als lieus. Lura na stuess la gruppa da lavur betg avair painas da vegnir elegida giu (abgewählt) per mancanza d'ideas e surprentensiun. L'idea da metter umens meritaivels en il ss. Curtin d'onur a Trun sut l'ischi sco pli baud è en mund hightech total d'esper, satisfaschess mai las dunnas hightech, dastgass anc vegnir en conflict cun prescripziuns e leschas, betg idea tgeninas.

**T**otal en trend èsi vegnì d'intschainsar fin beatificar ils vivs meritaivels tranter nus, las legendas viventas. I na sa betg esser ch'ils morts stuessan raiver ord fossas a saltar, per che nus als rendessan onurs durablas. Nachhaltigkeit è ozendì dumandà en tut dapertut. In pled



da moda, jau al nominass sco meglier pled da l'onn. Grazia fitg per il premi. In di en ina chasa da moda tenor agen gust, là vegnir vestgì en a la moda cun tut quai che tutga tiers. Almain in happy day en la vita magari trista avunda per nus betg onurads, e quai na di betg mo jau.

**I**ns na sa tuttina betg metter monuments a meritaivels sin mintga culm u pass. En ils culms ed ils pass bain occupads fermamain cun da tut plunder, di jau ina giada e betg mo jau. Turs cotschnas da signals bunamain da milieu cotschen d'Amsterdam, suppon jau e betg mo jau. Tempels apparaints per spectaculs teatrals religius. Messas da culm u alp da la cultura e litteratura, e cultura, vesais, ha schon en il pled cult da persunas u d'ovras meritaivlas. Shootings cun models levamain vestgids, aposta sgulads en per chalenders erotics gist en trend. Èsi betg inizià cuntut in conflict da chalenders versus chalenders? Jau crai bain.

**J**au vesess in museum Madame Tussouds Sur-

selva sco unica idea per satisfar a glied meritaivla en tuttas spartas pussaivlas fin nunpussaivlas. I fiss purtà figuras da tschaira en il cabinet respectiv da numnar ussa nums da num e da pum. Tuttina avess ins gust e Lust, betg il davos ord tema schizunt panica che meritaivels savessen vegnir survesids, crudassan tranter sutgas e bancs, betg da gugent, u mument, tuttina da gugent? Parairi cunter parairi, sco adina. Tgi vesess ins gugent en in cabinet da figuras da tschaira per la regiun Surselva?

**I**l Socrates indigen per basegns da la Ruman-tschia e anoravers. Il papa tant da las auas restantas sco dal sulegl solar. La nova staila (Ein Stern\*) da la pli giuvna scena litterara. L'um chalirà da teater la saira sper il lai. La miss Maxim, flot fiss a pèr cun il mister Svizra e Surselva, omadus dals noss. L'Alexicolog dals vocabularis sursilvans monumentals. Il spiritus rector portacravattas da scolas chantunala e spiritus rector da la baselgia da medias, flot fiss en proxima vischinanza cun l'investg diocesan. In trio perfetg. Tuts cun potenzial da vegnir resguardads per in pussaivel museum Madame Tussouds Surselva.

**L**'emprima giuria da la segunda giuria da la terza giuria da betg idea quantas giurias èn londervi da preselecziunar, lura selecziunar, lura nominar. Pazienza. Betg disturbar pli e betg pli telefonar!